



嶺南兩禪寺

南華寺 · 六榕寺

六如居士

南華寺在廣東曲江縣南六十里，原名寶林寺，梁天監元年，天竺智藥三藏自南海經曹溪，掬水而飲，香美清冽，謂與西天之水無別，溪源必有勝地，堪爲蘭若，遂溯源而上，山水回環，峰巒奇秀，嘆曰：宛如西天寶林山，可於此山建梵刹，百七十年後，當有無上法寶於此演化，得道如林，宜號寶林。時韶州牧侯敬中以其言具表奏聞，上可其請，賜寶林額，梁天監三年落成。唐儀鳳元年，六祖惠能得黃梅衣鉢，隱居十五年後，薙髮法性寺，遂開東山法門。旋還曹溪，大演無上法寶，遂爲南宗祖庭，悉如智藥三藏所言，惟原寺堂宇湫隘，六祖謁里人陳亞仙捨宅廣之。唐元和間賜塔曰靈照，開元三年，始名南華。塔屢毀屢建，今塔重建於康熙五年，亦已三百餘年矣。六祖眞身及衣鉢，俱存寺內。大雄寶殿聞爲陳亞仙捨宅所改建，金碧輝煌，甚爲莊嚴，殿內巨佛三尊，高達二丈餘，壁間有五百羅漢浮塑，甚爲生動，六祖堂及齋堂均爲唐代原物。寺內古木參天，景物清幽，復有降龍塔、伏虎亭、卓錫亭、避難石、曹溪水等名勝。爲嶺外禪林之冠。

六榕寺，原名爲寶莊嚴寺，南北朝時梁武帝所建，迄今已有一千五百年歷史，南漢時曾改名爲長壽寺，唐，王勃曾撰「廣州寶莊嚴寺舍利塔碑」。其後又改名淨慧寺。宋元符二年，蘇東坡

從謫地赦歸，途經淨慧寺，見六榕蔭蔽全寺，環境清幽，遂親書「六榕」兩寺。從此世稱六榕寺，民初順德岑學侶遊此，六榕已不復見，遂撰聯：「一塔有碑留博士，六榕無樹記東坡」以付寺，寺僧遂補植六榕，並建補榕亭，以記其事。

六祖受戒後，曾居六榕寺，故寺內設有六祖殿，並供奉六祖銅像，像鑄於宋端拱年間，雕工精緻，與肉身像無異。清末，廣東巡撫游智開派員至寺取像，擬改鑄銅圓，委員禮拜祝禱後，像忽無故傾倒，聲如雷震，委員大驚伏地不能起，左右掖之以報游，游亦驚悟，像得保存。（見丁福保註六祖壇經）

六榕塔，原名舍利塔，以建築雄偉華麗，俗稱爲花塔。塔爲梁大同三年，曇裕法師所建，宋代曾加修建。爲八角形九級巨塔，內層則有十七級，高二十七丈，結構精巧，造型軒敞，塔內有石級直通塔頂，供有八十八尊佛像，最上層之銅柱，雕有一千佛像，重達數千斤，塔尖之金葫蘆，高數丈，連同四周鐵鏈，共達八千斤。爲廣州最高之古塔，登塔遠眺，羊城景物，盡收眼底。塔齡已達一千五百年，猶魯殿靈光，然存獨巍然獨存，實爲中國建築史上之奇蹟。

（請參閱卅四期封面及底裏各圖片）